



## VIÐURKENNINGAR TIL STARFSFÓLKS

# Viðurkenning fyrir lofsvert framlag til kennslu 2018



Terry Adrian Gunnell, prófessor við Félagsfræði-, mannfræði- og þjóðfræðideild á Félagsvísindasviði Háskóla Íslands, er handhafi viðurkenningar Háskóla Íslands fyrir lofsvert framlag til kennslu árið 2018. Ljósmynd: Kristinn Ingvarsson.

## Elva Björg Einarsdóttir, verkefnastjóri hjá Kennslumiðstöð Háskóla Íslands

Terry Adrian Gunnell, prófessor við Félagsfræði-, mannfræði- og þjóðfræðideild á Félagsvísindasviði Háskóla Íslands, er handhafi viðurkenningar Háskóla Íslands fyrir lofsvert framlag til kennslu árið 2018. Í umsögn valnefndar segir meðal annars: „Terry hefur einstakt lag á að kveikja brennandi áhuga hjá nemendum sínum og vekja hjá þeim metnað til að standa sig í námi. Hann lætur sér annt um þá og gefur sér alltaf tíma til að sinna þeim. Hann er þekktur fyrir að gera miklar kröfur til nemenda sem

hann leiðbeinir en um leið að blása þeim í brjóst trú á að þeir geti staðið undir kröfunum og að veita þeim þá leiðsögn sem þeir þurfa til að gera það.“

Terry hélt erindi um kennslu sína í jóla-kennslukaffi Kennslumiðstöðvar 13. desember 2018. Þar fór hann yfir feril sinn sem kennari og sagði frá þeim fyrrum kennurum og samstarfsmönnum sem mótað hefðu hugmyndir hans sem kennara. Terry sagðist öðru fremur leggja áherslu á að vera í góðum tengslum við

nemendur þannig að þeir myndu að þeir skiptu máli, væru einstaklingar. Hann sagðist gera kröfur til þeirra, að þeir mættu undirbúnir en sýndi þeim jafnframt skilning og væri til staðar fyrir þá. Terry sagðist líta á nám sem samning á milli nemenda og kennara, það væri kennarans að opna dyr og halda þeim opnum fyrir nemendum. Hann sagði einkunn ekki skipta máli ef áhuginn væri enn til staðar við lok námskeiðs og kenndi þeim að gleypa ekki við „sannleikanum“ frá öðrum heldur gagnrýna – „never trust an academic“.

### Samstarf

## Samstarf við Syddansk-háskólann í Óðinsvéum

Guðrún Geirsdóttir, dósent við Menntavísindasvið og deildarstjóri Kennslumiðstöðvar Háskóla Íslands

Eitt af verkefnum okkar á Nordic-Baltic-Network fundinum í ágúst 2018 var að vinna með hugmyndir að innleiðingu alþjóðasýnar í námskráargerð og skipulag námskeiða Vinnu stofuna leiddi Donna Hurford sem starfar á Kennslumiðstöð Syddansk-háskólans í Óðinsvéum. Í ágúst 2018 hafði kennslunefnd Félagsvísindasviðs Háskóla Íslands skipulagt í samstarfi við Kennslumiðstöð Háskóla Íslands vinnustofu fyrir kennara sem kenna námskeið á ensku á Félagsvísindasviði um alþjóðavídd í námi og kennslu (e. internationalization of the curriculum/ intercultural approaches in the curriculum).

Okkur tókst að fá Donnu Hurford til að sækja um Erasmus-styrk og koma til Íslands í eina viku í september 2018. Auk þess að nýta starfskrafta og sérfræðiþekkingu hennar á vinnustofu fyrir Félagsvísindasvið kynnti hún



Gunnar Óskarsson og Donna Hurford á vinnustofu að Laugarvatni. Ljósmynd: Guðrún Geirsdóttir

okkur starf Kennslumiðstöðvar Syddansk-háskólans á sviði alþjóðavæðingar og hélt fyrirlestra fyrir kennara og starfsfólk Háskóla Íslands. Donna Hurford hefur meðal annars útbúið sérstaka vef

síðu um fordóma og hvernig við getum unnið með eigin fordóma í kennslu, sjá: What has unconscious bias got to do with my teaching? <https://goo.gl/J2u5nM>